

Օրագրի անվանումը	Վարդենիս համայնքի Այրք բնակավայրի լուսավորության ցանցի անցկացում
Մարզ	Գեղարքունիք
Համայնքը /համայնքները	Վարդենիս
Համայնքի /բնակավայրի հեռավորությունը մայրաքաղաք Երևանից, ինչպես նաև մարզկենտրոնից	175կմ, 75կմ
Համայնքի /բնակավայրի բնակչությունը	Վարդենիս՝ 40030 Այրք 150
Սահմանամերձ համայնք/բնակավայր	Վարդենիս համայնքի Այրք բնակավայրը սահմանամերձ է:
Բարձր լեռնային համայնք /բնակավայրի	Բարձրլեռնային
Օրագրի ընդհանուր նկարագրությունը, դրա իրականացման անհրաժեշտությունը,	Վարդենիս համայնքի Այրք բնակավայրը բարձրլեռնային է, սահմանամերձ: Գյուղը ունի դպրոց, բուժկետ, վարչական շենք, նախակրթարան: Այրք բնակավայրը գյուղատնտեսական բնակավայր է, բնակչության հիմնական զբաղմունքը հողագործությունը և անասնապահությունն է, որն էլ ապահովում է նրանց եկամտի հիմնական աղբյուրը: 2020 թվականի ագրեսիայից հետո մի քանի տասնյալ տնային տնտեսություններ լքեցին Այրք բնակավայր, բնակություն հաստատելով այլ հարակից բնակավայրերում: Բնակավայրի հարակից բնակավայրերից Վերին և Ներքին Շորժաներում բնակիչները հիմնականում գալիս են ամառվա ընթացքում անասունների պահք իրականացնելու համար: Այրք բնակավայրը տարածաշրջանում հայտնի է իր Սուրբ Աստվածածին (1281 թ.) և Կաթողիկե Սուրբ Գևորգ (13դ.) եկեղեցիներով, որոնց շրջակայքում կան 16-17դդ. բազմաթիվ խաչքարեր: Այրք բնակավայրը չունի փողոցային լուսավորություն, բնակիչներ մշտապես բարձրաձայնում են բնակավայրի լուսավորության ցանցի կառուցման աշխատանքների կարևորությունը և անհրաժեշտությունը: Արձանագրվել են բազմաթիվ դեպքեր, երբ հատկապես երեկոյան ժամերին գրանցվել են դժբախտ պատահարներ՝ անդառնալի

	կորուստներով: Բացի այդ լուսավորված ներբնակավայրային ճանապարհները, հատկապես սահմանամերձ բնակավայրերում, բարձրացնում են բնակչության անվտանգության մակարդակը, երեկոյան ժամերին երթևեկությունը և մարդկանց տեղաշարժը դառնում է ավելի անվտանգ:
Ակնկալվող արդյունքները	Ծրագրի շրջանակներում նախատեսվում է անցկացնել փողոցային լուսավորության ցանց ընդհանուր մոտ 3845մ երկարությամբ, որտեղ տեղադրվելու են 120 հատ մետաղական հենասյուներ և 120 հատ 50W բարձր որակի LED լամպեր՝ մասնագետների կողմից հաշվի առնելով փողոցային լուսավորության չափանիշները թվային տվյալները կարող են ենթարկվել փոփոխության: Ծրագրի ակնկալվող արդյունքները 1. Անվտանգության մակարդակի բարձրացում ○ Լավ լուսավորված փողոցներն էականորեն նվազեցնում են ճանապարհատրանսպորտային պատահարների և հանցավորության հավանականությունը, ինչպես նաև նպաստում են հետիոտների և վարորդների անվտանգությանը: 2. Բնակիչների կենսապայմանների բարելավում ○ Լուսավոր փողոցները բարելավում են բնակչության գիշերային կյանքի որակը՝ հնարավորություն տալով անվտանգ կերպով շրջել գիշերը, օգտվել տարբեր ծառայություններից և հանգիստ զգալ սեփական համայնքում: 3. Էներգախնայողություն և կայունություն ○ 50W բարձրորակ LED լամպերի օգտագործումը ապահովում է ցածր էներգասպառում և բարձր արդյունավետություն՝ համեմատաբար ավելի երկար կյանքով և նվազ սպասարկման ծախսերով: 4. Քաղաքաշինական միջավայրի բարելավում ○ Նոր մետաղական հենասյուների և լուսավորության ժամանակակից համակարգերի

ներդրումը նպաստում է համայնքի ընդհանուր տեսքի բարելավմանը և քաղաքային միջավայրի արդիականացմանը:

5. Սոցիալ-տնտեսական ակտիվության խթանում

- Լուսավորված փողոցները կարող են խթանել երեկոյան ժամերին փոքր բիզնեսների գործունեությունը, զբոսաշրջիկների ներգրավումը և առհասարակ համայնքի տնտեսական դինամիկան:

6. Բնակիչների գոհունակության բարձրացում

- Նախագծի իրականացումը կնպաստի համայնքի բնակիչների գոհունակության աճին՝ որպես համայնքային ծառայությունների որակի բարելավման տեսանկյունի արդյունք:

7. Շրջակա միջավայրի նկատմամբ դրական ազդեցություն

- Էներգախնայող լամպերի կիրառումը կնպաստի ածխաթթու գազի արտանետումների նվազեցմանը՝ շրջակա միջավայրի պահպանման տեսանկյունից:

Միջոցառման արդյունքների ապահովման նպատակով իրականացվող գործողություններն ու միջոցառումները

Միջոցառման արդյունքների ապահովման նպատակով իրականացվող գործողություններն ու միջոցառումները

1. Նախնական ուսումնասիրություն և նախագծում

- Գործող տարածքի հետազոտություն՝ լուսավորության պահանջների գնահատման նպատակով:
- Փողոցային լուսավորության նախագծի կազմում՝ համաձայն սահմանված տեխնիկական և անվտանգային չափորոշիչների:

2. Տեխնիկական հստակեցումներ և սարքավորումների ընտրություն

- Բարձրորակ, 50W հզորությամբ էներգախնայող LED լուսամփոփների ընտրություն՝ լուսավորության արդյունավետության և կայունության ապահովման նպատակով:
- Դիմացկուն մետաղական հենասյուների ընտրություն՝ նախատեսված արտաքին

օգտագործման և կլիմայական պայմանների
դիմակայման համար:

**3. Ինժեներատեխնիկական աշխատանքների
իրականացում**

- Լուսավորության ցանցի տեղադրման
աշխատանքներ՝ ընդհանուր 3845 մետր
երկարությամբ:
- 120 միավոր հենասյուների և համապատասխան
քանակի LED լամպերի տեղադրում՝ նշված
նախագծային տեղակայման կետերում:
- Լարային ցանցի անցկացում և միացում՝
էլեկտրամատակարարման աղբյուրներին:

4. Անվտանգության և տեխնիկական ստուգումներ

- Տեղադրված համակարգի փորձարկում՝
լուսավորման ուժգնության, էլեկտրական
անվտանգության և համակարգի լիարժեք
աշխատանքի տեսանկյունից:
- Անհրաժեշտության դեպքում՝ կարգավորումներ
և շտկումներ՝ ըստ մասնագիտական
գնահատականների:

5. Մոնիտորինգ և վերահսկում

- Աշխատանքների ընթացքի տեխնիկական
վերահսկողություն՝ որակի ապահովման
նպատակով:
- Ծրագրի ավարտից հետո՝ համակարգի
գործարկման ընթացքում մոնիտորինգի
իրականացում՝ անսարքությունների կամ
շեղումների վաղաժամ հայտնաբերման համար:

6. Բնակչության իրազեկում և ներգրավում

- Համայնքի բնակիչների տեղեկացում ծրագրված
աշխատանքների, դրանց նպատակների և
օգտակարության մասին:
- Սոցիալական ներգրավման միջոցառումներ՝
բնակիչների կարծիքների և առաջարկների
հավաքագրման միջոցով:

**7. Սպասարկման և տեխնիկական աջակցման
պլանավորում**

- Հետագա սպասարկման մեխանիզմների
մշակումը՝ լուսավորության համակարգի
անխափան և երկարատև գործարկման
ապահովման նպատակով:
- Տեխնիկական անձնակազմի

վերապատրաստում՝ սարքավորումների
շահագործման և տեխնիկական սպասարկման
հարցերում:

Միջոցառման շահառուները

Միջոցառման ուղղակի շահառուներն են համարվում Այրք
բնակավայրում մշտական բնակություն հաստատող 150
բնակիչներին, մոտավորապես 45 տնային տնտեսություն:

**Ծրագրի կատարման
Ժամկետները**

26.05.2025-31.12.2025

Ծրագրի ավարտից հետո, Հայաստանի Հանրապետության
կառավարության 2022թ օգոստոսի 4-ի N 1198-Ն որոշման
Հավելված N 1-ի 2-րդ կետով սահմանված ժամկետներում
կներկայացվի ծրագրի տարեկան հաշվետվությունը:

Ծրագրի հնարավոր ռիսկերը

Վարդենիս համայնքը ունի նմանատիպ ծրագրեր
իրականացնելու փորձ, քանի որ վերջին տարիներին
սուբվենցիոն ծրագրերի շրջանակներում իրականացվել և
իրականացվում են ոռոգման ջրագծերի կառուցման կամ
վերակառուցման աշխատանքներ:

Վերոնշյալ ծրագրի ռիսկ կարող են լինել ֆորսմաժորային
իրավիճակները, երբ անհաղթահարելի ուժի ազդեցությամբ
հնարավոր չի լինի իրականացնել ծրագիրը:

Միջոցառման հիմքերը

Միջոցառման հիմք է հանդիսանում «Հայաստանի
Հանրապետության բյուջետային համակարգի մասին»
Հայաստանի Հանրապետության օրենքի 20-րդ հոդվածի 8-րդ
մասը:

ՀՀ կառավարության 2022 թվականի սեպտեմբերի 1-ի N 1370-Ն
որոշման՝ համայնքային մասհանումների ծախսման ծրագրով
նախատեսված միջոցառումների ուղղությունները,՝ դրանց
առաջնահերթությունները՝ համայնքային մասհանումների
ծախսման ծրագրով նախատեսված միջոցառումների
իրականացման առաջնահերթությունը տրվում է ազդակիր
բնակավայրին:

Այրք բնակավայրի փողոցային լուսավորության ցանցի
անցկացումը առաջնահերթություն է համաձայն ՀՀ
կառավարության 2022 թվականի սեպտեմբերի 1-ի N 1370-Ն
որոշման 2-րդ հոդվածի 6-րդ կետի ե) ենթակետի:

Նախագծանախահաշվային փաստաթղթերի հիման վրա
ծրագրի ընդհանուր արժեքը կազմում է 7.956.000 ՀՀ դրամ /կից
ներկայացված է իրականացվելիք աշխատանքերի
ֆինանսական նախնական գնահատականները,
հաշվարկները/:

Ծրագիրը ներկայացված է համայնքի 2022-2026թթ հնգամյա
զարգացման ծրագրում, որի հաստատման ընթացքում անցել է
հանրային քննարկում:

ՎԱՐԴԵՆԻՍ ՀԱՄԱՅՆՔԻ ՂԵԳԱՎԱՐ



Ա. ԽԱՉԱՏՐՅԱՆ

Հայաստանի Հանրապետության Վարդենիս համայնքի մասհանումների ծախսման
2025 թվականի ծրագրի ֆինանսական գնահատականները

Հ/Հ		Ծրագրի արժեքը, ընդամենը/հազ. դրամ/	Պետական բյուջե /հազ.դրամ/
1	Վարդենիս համայնքի Այրբ բնակավայրի 3845 մետր լուսավորության ցանցի կառուցումն	7.956.000 ՀՀ դրամ	7.956.000 ՀՀ դրամ
1.1	Շինարարական աշխատանք	7.500.000 ՀՀ դրամ	7.500.000 ՀՀ դրամ
1.2	Նախագծանախահաշվային փաստաթղթերի և փորձաքննության ձեռքբերում	300.000 ՀՀ դրամ	300.000 ՀՀ դրամ
1.3	Տեխնիկական հսկողություն	120.000 ՀՀ դրամ	120.000 ՀՀ դրամ
1.4	Հեղինակային հսկողություն	36.000 ՀՀ դրամ	36.000 ՀՀ դրամ

ՎԱՐԴԵՆԻՍ ՀԱՄԱՅՆՔԻ ՂԵԿԱՎԱՐ



Ա. ԽԱՉԱՏՐՅԱՆ